

逍遙坦蕩絕憂愁
管甚流年春復秋
露地安眠放白牛
晚烟收
一曲高歌古渡頭

又

不持齋戒不看經
不論金丹共五行
玉瑟閒調月正明
韻輕清
響徹瑤臺十二層

又

三田常用鐵牛耕
種得黃芽漸漸生
法雨時時澆灌頻
轉滋榮
採摘歸來上玉京

又

幾人學得我風流
疎盡塵緣散盡愁
閒品羌笛駕白牛
好因由

道藏輯要

草堂集

酉

易集七
二八上

四大神丹任意游

又

本來真性喚神仙
爲愛幽棲遠市廛
獨隱山堂妙最玄
樂恬然
欣卽高歌困卽眠

又

四時流轉急如梭
百歲韶華屈指過
惟願人人出愛河
養沖和
功滿超升赴大羅

因王孫二舊友
同口不期而會

閒閒閒裏憶王孫
今幸相逢語笑頻
各各勤修精氣神
行功臻
同宴桃源碧洞春